

是程堂二集

是程堂二集卷第三目錄

舟次書悶

邗江除夕

臥疾小差自遣卽柬問疾諸友人二首
有感

答姚敬甫二首

題汪月樵夢游圖二絕句

題沈聽篁太史曾經滄海圖

臺灣八月中梅桂同開聽篁隨侍尊甫太守丈官

此時作圖以示同好爲題一絕

山塘花市購盆梅一株奇古入畫

月夜過太湖濱有懷重游西磧探梅之約寄文起
鳬舟平叔

舟泊烏戕村酒小酌徑醉蓋病後不勝杯杓也
望臯亭山

抵舍偶吟

雨霽卽事

次前韻

壽生旣和余前詩復疊韻詠庭前竹因和之

清明日何藜閣明府招同許青士玉年臯亭山看

桃花

小峴先生過訪卽席賦呈

過陳二西丈

應叔雅馬秋藥張仲雅諸丈潘壽生周南卿同集
看海棠作歌

項丈秋子招同瞿花農司馬孫嬾雲別駕朱彥甫
秀才集抱膝吟居看牡丹分韻得朝字

潛園雜詠十首

洗心亭

雲栖

夜步竹徑中憩迴龍亭

題湖上酒樓壁

循梅家隴登郎當嶺眺望作

薄暮登五雲山半道小憩

小園春暮

周南卿索題茶具圖

應叔雅丈屬題秋山獨往圖三首

顧西梅追摹奚丈鐵生遺影題後

徇忠柏

曾賓谷中丞招同張仲雅丈錢蕙窗周南卿追暑

淨慈寺賦呈

霽青太守過訪喜贈卽送赴信州

雙烈詩

并序

與周南卿雪夜談詩同有此作

南山歸

欲雪

題新居齋壁三首

盆梅

此日

青藤行

夜抵富陽不及訪陸筵田明府却寄

泊舟仙姑巖下

桐廬贈孫雲本同年

釣臺

西臺

烏石灘

思作江山晚眺圖因念畫不能到處不如詩也口

占四絕

嚴州道上午醉漫成

蘭溪夜泊寄懷霽青

灘行二絕句

龍游

漁歌

兩絕句

市橋盈筐命酒小酌三絕句

衢州

阻灘易小舟達常山

憩屏風關

登南屏信江書院

己卯除夜信州作

是程堂二集卷第三目錄

是程堂二集卷第三

錢塘屠倬 孟昭

舟次書悶

風雪嚴裝迫歲闌壯心消歇涕洟瀾身家此日成孤注
出處中年近兩難客路蒼茫雞唱早湖天淒緊雁聲寒
瀕行先把歸期說老母呼將白髮看

邗江除夕

羈旅心情異宦游浪憑樽酒被清愁雀羅寂莫無殘客
騶卒逢迎識故侯歲月堂堂驅野馬生涯泛泛觸虛舟
梅花不合鄉園負夢向滄江忽掉頭

臥疾小差自遣卽柬問疾諸友人二首

病骨支離一榻橫紙窗風急閃燈檠辛勤僕從調眠食

涕淚朋儕訪死生病劇時或有疑余不起者疑似怕傳家信去衰羸

轉覺夢魂清一甌參朮憑珍重合眼居然到五更不成寐者

二十餘日已宿屋觀察餉人參服之遂安睡竟夜

此行失計太無端扶病看花強自寬陳西亭讎使餉唐花數種禁得

風餐兼雪虐借他酒力敵春寒加餐只合添蔬食遣悶

何妨採稗官我亦自嫌強項甚項上患癰匝月故云客來從不整

衣冠

有感

漏盡通宵百感攢又添帶眼幾分寬折腰早媿陶元亮

割席休疑管幼安身外是非雲物幻年來蹤跡雪泥乾

逃禪久合消恩怨壁上吳鉤莫更看

答姚敬甫二首

已屏江湖迹三年復此游病難求大藥酒不解真愁柳
巷歌雲散蕪城燈市收春來渾不覺枯坐小窗幽
新詩慰故人失意感勞薪仕路科名賤貧交意氣真湖
山慳宿約風雪狎初春一笑看雙鬢新添十斛塵

題汪月樵夢游圖二絕句

四面青山一丸月三間老屋萬株松軟紅塵土飛不到
來試仙人綠玉筇

半空清嘯舞潛虬壁立蒼厓擁石樓此夢終身不須覺
故應長逐化人游

題沈聽篁太史曾經滄海圖

怪雨盲風外南嵌北線中
鼃鼃傳夜鼓珠貝湧仙宮
破浪懷宗慤回帆想謝公
當時誰見者浩渺一鳬翁

臺灣八月中梅桂同開
聽篁隨侍尊甫太守丈官

此時作圖以示同好爲題一絕

臺陽島嶼入秋巉萬樹梅花
兔魄銜等是巡檐閒索笑
晚涼人著薄羅衫

山塘花市購盆梅一株奇古入畫

一尺梢頭著一花孤根蟠屈臥
枯槎橫斜瘦影月初上
描入窗櫺方孔紗

冬心慣寫繁枝好奇古還如對老蓮
如此烟波如此月

歸裝絕勝米家船

月夜過太湖濱有懷重游西磧探梅之約寄文起
鳧舟平叔

萬頃烟波散客愁初更皓月印中流一聲鐵笛欲仙去
十幅蒲帆成臥游歸夢早經緘短札春寒未可卸茸裘
沿湖想正梅花好重與題詩寄石樓

舟泊烏戕沽村酒小酌徑醉蓋病後不勝杯杓也
小飲惟供一覺眠歸途肯付百憂煎不勝酒力而今暫
已矢山心此後堅野濶烟蕪春漠漠鳥啼村店竹娟娟
吳羌風物飢盤美亦有芹芽有蕨拳

望臯亭山

長和先生集卷二
船頭山色擁臯亭來往匆匆幾度經怪出門時渾不見
歸來偏覺十分青

抵舍偶吟

羈愁只合付天涯兩月出門今到家病未脫身春過半
得歸且自看桃花

雨霽卽事

積雨聲乾尚滴檐疎林已透月纖纖
藟松明火生茶竈
拓紙糊窗下竹簾池水平添三尺滿春寒猶作十分嚴
巡廊踏遍尋詩處不惜苔痕屐齒粘

次前韻

好脫蓑衣挂短檐水窗閒弄釣絲纖
書生事業慚投筆

高士風流話織簾干謁久疎懷刺滅杜門多暇課詩嚴
病夫不管鶯花惱且喜疏畦破塊粘

壽生既和余前詩復疊韻詠庭前竹因和之

老鳳梳翎翠拂簷風梢葉葉弄脩纖

老杜詩脩纖無根竹籜龍幾

輩欲掀土練雀雙飛時近簾鉤勒法兼通畫意聲聞禪

合證香嚴

香嚴智閑禪師擊竹作聲有悟見傳燈錄

更煩潘闥微吟久一任

鬚眉薄粉粘

清明日何藜閣明府招同許青士玉年臯亭山看

桃花

好續花游老鐵詩相攜東郭放船遲烏紗白恰二三子
絳雪明霞千萬枝寒食雨催春半老倦游人臥病多時

廿年蹤跡樽前數又觸離愁上鬢絲

甲子清明後一日青士嘗招余看花

于此自後聚散無定未能數數同游也今青士服闋將入都玉年亦往應京兆試行且遠別不能無感云

小峴先生過訪卽席賦呈

兩峯三竺縱幽探八十衰翁興獨酣人與湖山成故舊
天畱耆宿重東南花明老眼供歡賞酒半新詩助劇談
更約秋深還鼓棹竹爐重試惠泉甘

過陳二西丈

草堂鄰僻巷不厭數過存交已論三世時還餉一尊投
詩問花竹扶杖課兒孫九十翁逾健高風想鹿門

應叔雅馬秋藥張仲雅諸丈潘壽生周南卿同集

看海棠作歌

潛園花木一春好桃杏開殘牡丹早海棠吐萼剛及時
萬點猩紅破春曉前年去年兩度開主人臥病客不來
春愁獨抱花怨絕手中閒煞黃金罍由來姝麗羞自獻
一例凡花等閒看遭逢不獨惜此花多少文君白頭歎
此花已百年物迄無聞人吟賞及之花開前日才二分梁溪侍郎來款門
酒闌一徑促歸棹未及花前羅衆賓春陰三日釀花足
豐肌亭亭出新浴相看一笑果嫣然語妙可無蘇玉局
應翁張丈馬先生白髮禁春雙眼明名花自合矜晚遇
難得詩老尋詩盟盛衰榮落亦非偶我更傷心吳祭酒
小香南館舊吟場此日此花無恙否穀人先生家有海棠一株嘗招余吟
世益增痛念云謝眼中花發自年年且鬪今朝藥玉船

兩鬢疎疎風浩浩諸公莫笑放翁顛

項丈秋子招同瞿花農司馬孫嬾雲別駕朱彥甫
秀才集抱膝吟居看牡丹分韻得朝字

雕闌微雨泣紅潮客爲名花取次招游女競看詩老健

花時士女駢集設茗果款之

穠春未放綺懷消楚珠照座三千履魯

鼓傳觴四十驍此席獨關風雅重洛陽高會又今朝

年七十有七文酒之盛逾五十年不衰亦吾鄉風雅所繫也

潛園雜詠十首

破除世網得閒身松菊猶存未是貧花外有時橫拄杖
書堆終日岸烏巾一雙蛺蝶銷金翅幾疊峰巒折帶鋏
況是鄉園多病日故應歸臥倦游人

補葺茆齋地十弓森然叢桂夾長松苔痕綠破三三徑
雨氣寒生六六峯禪悟漸深詩味淡酒狂不減宦情慵
醯雞自詡吾天大肯把微塵芥蒂胸

北窗高枕便羲皇檻外烟波動草堂細雨融泥增燕壘
落花成陣送魚糧興來聊詠五七字睡起還傾一兩觴
忽發真人天際想琵琶三弄踞胡牀

連日新晴放鼠姑萬花不及此花腴提壺小鳥解人意
琢玉新詞聊自娛貧裏鋪張春富貴閒中消納病工夫
錦茵日暖烏圓戲擬似黃荃一幅圖

水亭一角護烟巒衆綠成陰壓畫欄奇石巧排青玉案
閒花開剩紫羅幰春歸柳絮渾無迹屋繞林筵不計竿

無分巖廊且邛壑曰歸休作等閑看

經年塵事不教侵行樂無多閉戶尋蠟屐唾壺名士習
尊羹鱸膾故園心鼎彝缺齧搜金石書籍鑽研學蠹蟬
更與僮奴編日課栽培花竹要成林

薜蘿門巷掩雙扉剝啄無聲過客稀春水干卿定何事
海鷗于我漸忘機虛拋壯歲供多病未遂初衣不算歸
手炷爐香成晏坐朝來讀易自研幾

中年過了易華顛轉眼平頭四十年家世清貧天已厚
科名早達我無權不夷不惠聊中立呼馬呼牛聽自然
暢好追歡逐魚鳥一枝筇杖萬花前

差喜兒曹解學詩我詩頗放不堪師消除戎馬關山氣

嘲弄風花雪月姿哀樂半生隨境得文章千古定誰欺
從今世事休關白正是高歌中酒時

幾載城東僦屋居強題名字屬吾廬

園故典自何氏潛園則余所自名也

山貲畢竟須營辦竹徑更番已埽除池上無如鷺君好

天涯可惜酒人疎

曩楊蘭漁孝廉居此余與頻伽曼生梅史青士雪門小湖積堂時時燕集

園中今惟小湖積堂在家輒相過從青士以憂歸里行亦入都矣

百年彼我皆傳舍敢

說潛園便姓屠

洗心亭

溪聲吼玉龍一夜山雨足澄潭自無波萬匯此約束岩
花斂孤笑澗草披衆縈白雲來何峰松顛遂三宿連岡
如列城脩篁盡一族亭下逢老僧笑參梅子熟

雲栖

本來住山心隨境得安隱矧茲泉石幽曲折相導引烟
蘿一龕深天束萬峯繁林霏晃朝曦蒼然杳無朕微微
輕颺度策策新鐸隕厓谷相蔽虧森立萬玉筍雲歸盪
胸奇辭滑得步窘劣容一徑穿循麓綰秋蚓莊嚴禮香
界淨土標的準梵聲雜溪聲喧寂兩俱泯世無支許流
長往謝不敏一簞復一瓢吾方樂顏閔

夜步竹徑中憇迴龍亭

夜來山月明躡地竹陰碎宿鳥棲不驚鐘聲落雲外森
森萬篴簫刻畫出天繪生我妙明心清光洞無礙

題湖上酒樓壁

閒攜畫榼聽啼鶯曉霽猶慳半日晴滿地松花春雨膩
半灘蘆筍晚潮平蠶忙漸近門常掩茶市初開價未盈
樓外烟波樓上酒可無宋嫂進魚羹

循梅家陂登郎當嶺眺望作

篴輿軋軋穿竹行足底冉冉山雲生溪流注壑百道爭
十步一縱五步橫如奏琴筑吹竽笙耳根但覺風泠泠
長岡蜿蜒橫翠屏獨者屬者相緯經躡千百級排蒼冥
松篁翳之一色青懸厓屹立如堅城其下絕壑瀧濤驚
松聲水聲聲合并諦聽都作風雨聲當頭巨石頑且犖
谿砢磔卓出圭稜翳埋槎枿絡枯藤空洞其腹藏狐鼯
岩花英英送微馨枝頭鳥語喧午晴細路詰屈如絲縈

躋攀却稱芒鞋輕巔崖翼然聳孤亭千山萬山軒豁呈
羣峰勢欲趨東溟大江橫截怒莫撓潮頭撼山山脚崩
化作九龍掉尾迎偉哉江山開闔能俯視一面湖波平
江光湖光分兩層大江以東山更明壯觀自昔嗟未曾
家山如此歸亦應草堂他日三間營執茶好向山頭耕
山中多
種茶者

薄暮登五雲山半道小憩

斜陽低合萬峰陰
蘚徑緣厓劣可尋
密箐縱橫埋虎跡
流泉鳴咽發龍吟
我行我法任來去
世出世間無古今
柳栗芒鞋成獨往
掉頭也算入山深

小園春暮

小園五畝一畝池兩畝藝花屋半之屋前有地不容隙
低縛葑闌高竹籬籬根牆脚亂紅紫盡日行吟在花裏
不論花落與花開幾點莓苔都可喜春餘夏首花事闌
風日不暖亦不寒碧紗如水綺窗靜清晝綠陰吹不乾
他人愛花愛爛漫零落摧殘更誰看道人胸次足天倪
春去任憑啼鴂喚

周南卿索題茶具圖

魯望漁具其詩超襲美酒具其文豪不及鴻漸譜茶具
經營意匠窮秋毫桑苧雜具二十四大石刪存十六事
苦節分封更有六合并計之數廿二寫爲圖者松雪翁
流傳粉本鉤勒工周郎好事況茶癖按圖購製加磨礪

商象之鼎歸潔帚分盈者杓遞火斗啜香盞備官哥審
注審壺出龔時手建城烏府及水曹竹架支鏤劊果刀
都簾納箸扇匙秤品司貯筍蔬芹蒿每當火前雨前近
村娃打鼓羅衣褪採取新芽綠雪輕煎成香水春旗嫩
君于此時坐圓蒲隨意一卷兩卷書舒肘據石口咿唔
粉甌捧到吳姬雛梧桐葉大新竹瘦壓水荷盤露珠溜
花發幽琴按譜調客來險韻拈題鬪文園消渴足聯羣
故里招尋不厭勤龍井山中曾憶我白沙泉上特思君

應叔雅丈屬題秋山獨往圖三首

達士抱山心閉戶有至樂五嶽成臥游圖畫亦可託樵
夫日住山了不識邛壑芒鞋雙足繭辛苦厭岑嶠要惟

靜者徒不爲塵網縛痼疾沉烟霞甘心老寂莫而況仁者壽九十健腰腳白雲深復深去去行采藥

我昔方弱冠從朱先生游翁時一過譚吟嘯不肯休從旁竊觀聽得見此卷畱圖中古鬚眉當日已白頭貌逾松柏蒼胸貯巖壑幽今更二十年益覺神氣邁衛生豈有術夏葛冬亦裘但坐喜怒忘并亦忘窮愁古之列仙儒匪翁誰與儔

浙東富山水沃洲山更奇先生樂恬退廣文官亦宜廿年首簪盤兩鬢松風吹曳杖天姥峰高詠青蓮詩有時經剡曲扁舟信猶夷中有畫圖山我亦嘗登之歸來拂毫素幻出烟雲姿孤蹤人不識只有方壺知

方丈蘭士爲作此圖

顧西梅追摹奚丈鐵生遺影題後

翁死癸亥冬迄今十六年翁固未嘗死名已萬口傳翰
墨雖小道能奪造化權筆蹟重海內一紙值萬錢翁畫
則已工況其人實賢世無知不知望翁若神仙翁徧喜
嘲罵醉甚益放顛人或目爲狂狂亦豈不然然其狂也
直率性遂其天麋鹿逃山林獨以狂自全元年

詔求士薦剡多達官駭避若脫鉤不爲榮利遷

雲臺小峴兩先

生官浙時屢欲見翁不可
以孝廉方正辟復不就

翁今死已久白骨秋草寒翁

死不可生閒煞西湖山昨日顧虎頭示我尺幅完一見
識是翁不覺涕泗漣頰上毫不多白眼高兩顴想像中
酒時五嶽搖筆端才名造物忌窮老骨相遭垂老構酷

虐天乎不其冤

翁母及三子一歲中相繼歿家復火翁病遂不起

我詩匪贊翁

一字一慨歎感舊心骨折夢墮秋山烟

徇忠柏

浙江臬署獄中柏也署爲南宋時西曹理刑廨

岳鄂王被難日柏忽死人遂神之蟄以石欄護

以鐵鍋歷數百年榴立不仆今司獄范君

正庸

爲繪圖刻石來乞余詩遂名之爲徇忠柏云

三字獄成萬古潛南宋江山氣黥黥黃龍城外冰雪深
風波亭前白石驂從來乾坤之精爽凝爲忠肝爲義膽
散于草木爲松柏物雖異類氣則感嗚呼鄂王國棟梁
嗚呼此柏非尋常棟梁崩摧同日戕天以象兆忠貞亾

天荒地老僵不仆屈蟠孤根有餘怒長城自壞厦屋傾
痛哭將軍之大樹喬柯挺立四尺圍悲風慘淡生園扉
臯陶祠旁敞官閣照耀范君圖與碑君不見栖霞嶺側
王所葬宰木森森總南向精誠所貫物亦靈七百年來
更無恙

曾賓谷中丞招同張仲雅丈錢蕙窗周南卿道暑
淨慈寺賦呈

江城一夕駐鳴騶蹤跡先煩問野鷗餉客行厨賓作主
招涼古寺夏成秋禪心併入瑤琴奏聽寺僧彈琴談柄還資
玉帶畱我亦西溪新釣侶秦亭山翠豁吟眸先生有西溪漁隱圖

霽青太守過訪喜贈卽送赴信州

鵲聲送喜到柴門僕從欣看五馬尊兩世交游真故舊
余先識退翁繼與霽青訂交已近廿年矣百年兒女正新婚
前月爲長子娶婦霽青女也別來蹤跡惟詩卷話到遭逢總
國恩多病似吾甘廢棄便無田宅有琴尊

雙烈詩

并序

崔君名陞婦陳氏不詳其里居或曰故浙人而
他徙者訪所親來杭州不遇貲斧乏絕困逆旅
中計無所出或有以非義之說誘者謝不聽然
念終無活理雖嗟來之食亦羞之于是夫婦相
與慷慨引決同日投繯死事聞于官葬之萬松
嶺側乾隆某年事也世風不古論者多刻覈好

奪人善往往以匹夫溝瀆之志少之余獨不謂然彼自經溝瀆者特出于一念之憤激以戕其生耳若少遲回焉或譬慰焉未始不翻然改計也若崔君夫婦者吾知其審之熟矣窮無所歸旦夕轉溝壑得一人不死勉從誘者之說即可兩全崔君夫婦塞耳而去之以其言之晚已也相與皎日共矢同日引決可不謂烈哉今夫飢寒迫人强者流爲盜賊弱者淪于污賤世風隆替之故國家治亂之所繫也又非獨一人名節而已樂生畏死人情之同然使彼苟得尺寸可生之途以緩其斯須之死則婦尼其夫夫阻

其婦一人捉肘即可不死而竟不出此吾知其
審之熟矣推其必死之心其確然自守一介不
取之操雖傳獨行可也脫厠身仕籍不幸當致
命之秋雖無媿夷齊首陽之餓可也崔君一齊
民耳薦紳士族愧其行者有矣而顧謂其輕死
此吾之所以爲世教慮也作雙烈詩將與君子
略迹而論之

有窮者崔生陞名婦曰陳貿然來何所云當訪交親日
久無所遇默對聲暗吞坐困逆旅中兩日併一餐欲去
無所依欲畱難自存典質罄簪珥搜索到衣禪天地雖
云大不能庇窮人杭城百萬家欲告誰與言途窮生理

絕慘慘白日昏逆旅匪可久迫逐生怒瞋鄰有無賴子
流浪日以貧自陳少年日飲博費千緡豪華不可久子
身丁賤迺中途忽改計始免溝壑淪自念至汙辱不足
與客聞客且有意乎其術亦多門又有東家女自誇羅
綺新妖麗鬬顏色語言工笑顰顧謂婦可憐徒自罹苦
辛還羨婦可愛美好逾等倫其言甚瑣瑣其意良諄諄
窺其意所在救死何足云夫還且語婦兩眉蹙不伸婦
亦顧夫歎交頤承淚痕烈士重氣節烈女重守身一死
詎足愛名節素所敦窗前有嘉樹枝葉青輪囷上棲共
命鳥比翼無孤騫微物尚有託我生何不辰慷慨矢決
絕畢命紅羅巾羅巾綰百結百手不可分松根一坏土

永閼羈栖魂近世風俗偷禮樂餘空文往往衣冠族內
行慚細民事不在大小要以心跡論人不係貴賤可挽
薄俗淳苟且草間活大半由因循我題雙烈詩用待鑒
貞珉

與周南卿雪夜談詩同有此作

詩才荒澀如寒竿半年以來一字無移居例得有新詠
奈坐疾病愁妻孥朝來晏坐及日晡西風攪窗落葉枯
瓦溝瞥見一痕白清氣動我蒼眉鬚亟思命酒沃肝肺
忽聽打門來酒徒酒徒落落今已少得君不愁吾道孤
相逢肯便迴高車劇談抵掌清夜徂祇愁論議迂俗耳
此道久已今人迂苦吟無益且痛飲君莫更問詩何如

能詩但速長官怒吏事不許韓歐蘇卽如君詩已超絕
聲價重壓千璠璣公卿動色競延攬一飽不救飢寒驅
功名利祿自有路君所不屑人爭趨逢時祕術倘須究
笑我結習何時除襲襲街鼓三更初酒邊不覺詩膽麤
兩人握手相視笑杜門今日方閒居

南山歸

沿山烏桕樹錯認是梅花病久妨吟事愁多感鬢華溪
聲晴後減塔影日晡斜不盡蒼茫意長林噪暮雅

欲雪

欲雪釀冬暖梅梢先破紅短檐爭啁雀明日定鑒風暮
靄垂垂合疎林落空所思江上客蓑笠一孤篷

題新居齋壁三首

下階無十步巖洞壓清池伏水寒魚瘦窺檐野鵲癡書
難終卷讀病亦兩年醫坐老疎頑質除閒百不宜

但多花木處依舊是潛園賓客過從便琴書檢點存裝
因攜石重身覺去官尊自信終違俗休疑早杜門

牆東非避世廡下類依人

力不能買屋典周氏半宅以居

十笏逃禪地

長年示疾身宦游初絕想家累豈無因周北張南近中

間且卜鄰

謂周菊生張鐵橋

盆梅

鐵幹回寒豔瓦盆畱宿根花疎違俗賞氣足驗冬溫隨
意陳棐几相看要酒罇紙窗風雪冷清詠助黃昏

此日

此日惟工病閒居剝課詩腰圍無可減冠幘任從欹懶
怕兒曹學貧滋僕從疑寒松立庭下相對各支離

青藤行

散材壽世人不識臃腫何曾中繩墨眼看此藤三太息
妙旨蒙莊一朝得青藤青藤三百年天荒地老枝柯堅
道人不識藤作用空令老死青藤邊平倭夜報軍書急
緩步爭看秀才入不愁街卒邏中宵自信將軍許長揖
當時意氣真豪麤醉磨盾鼻風霆驅禍機早伏連妻孥
覓死悔曳侯門裾先生自爲墓志云人皆榮而安之奇
才從古造物忌我爲先生一流涕老藤無用今尚全惜

朱先生自爲地雖然我爲先生悲先生心事藤應知此
身可厄名不厄不信但看青藤詩我游青藤舊書屋樓
指今成廿年足天池池水罩藤陰手寫梨洲詩滿幅青藤
書屋近爲吾友陳十峯所居余曾訪之爲書何當訪君
黃梨洲青藤行于壁今十峯復乞余賦此兼訪藤重把我詩池上讀哀歌不減四聲猿往事可憐
雙白鹿

夜抵富陽不及訪陸筵田明府却寄

一繩征雁界長天水國風寒欲折綿燈下帆檣圍古縣
酒邊絃索慰殘年身輕差覺牢愁釋夜永無妨獨客眠
閒聽黃頭譚近事江清却稱長官賢

泊舟仙姑巖下

一峯陡落插入江波濤齧趾聲錚從一峰窺鏡俯高髻
江面寫影都成雙酣霜橘柚採欲盡賸有榆柳支空腔
疎林缺處露茅屋籬根同客嗥村厖斜陽當戶曬破網
比鄰隔水通漁舡此間略似漢陰宅得毋居者襄陽龐
霜天淒緊節候變扣舷有客歆篷窗荻蘆乾死沙渚白
採蘋何有芷與汀蕭條水驛逼殘臘問胡千里違鄉邦
桐君山好夙所慕耽游且復離愁降謝公始果遠游諾
朗吟飛過嚴陵瀧久虛干祿心始果遠游
諾康樂富春渚句也且須沽酒作
晚飯賣魚一棹來飛艖

桐廬贈孫雲本同年

去官作客稱疎慵喜接名山爲改容十幅帆隨江岸曲

一堆烟撲舵樓濃投詩敢問元英宅採藥難尋仙客蹤
借得峯巒作城郭縣門常有白雲封

釣臺

肯把雲臺換釣臺羊裘無恙好歸來他時尚有元真子
拜賜樵青却便回

西臺

天水無情碧奈何竹如意碎石盤陀畫眉聲苦江山改
朱鳥魂歸涕淚多柴市銜鬚同望祭桐江晞髮總悲歌
雙臺從此分千古只許寒潮鳴咽過

烏石灘

山逼迴湍迅船爭上水難蒼烟橫路斷落日擁裘寒鐵

色排千嶂篙聲聚一灘銀刀新出網扶病且加餐

思作江山晚眺圖因念畫不能到處不如詩也口

占四絕

白鳥滄波意氣閒一聲銅斗唱魚蠻斜陽欲落未全落
屑取泥金抹遠山

烘染雲沙我尚能晚來閒向舵樓凭忽然漁艇參差集
搖動烟波幾點燈

從來繪水繪聲難放溜驚湍着意看不意凍雲殘柳外
戍樓還送角聲寒

七里瀧九費我思前山不見後山奇望衡九面隨湘轉
窘到無聲一首詩

嚴州道上午醉漫成

倦欹午枕聽潮聲
榻上琴尊便取攜
商女哀絃容有託
篙師調語半無稽
游來王績醉鄉大
悟到莊周物理齊
可惜江流不容唾
大魚闖碎碧玻璃

朝來散髮醉江天
鐵笛橫吹跂足眠
晴久遠山猶積雪
冬深古木只寒烟
紀遊詩少風塵感
送酒人多地主賢
途中若桐廬孫明府蘭溪王明府龍游楊明府衢州陳教授皆余同年嚴州劉太守富陽陸明府衢州李觀察姚廣文亦頗欲一程畱一日計程無奈逼殘年皆舊好

蘭溪夜泊寄懷霽青

小泊蘭溪驛題詩先報君
雁聲殘夜舫龍氣滿江雲
稍覺歲時晚敢辭風雪勤
吟成更誰和水調枕邊聞

灘行二絕句

十丈青蛟抵屋寬

放翁詩我舟十丈如青蛟

筆牀茶竈兩頭安中流

自謂長風健忘却前途百節灘

沙石麤頑不受篙一灘較比一灘高急流勇退錢宣靖
獨立西風首重搔

龍游

烟中雙塔指龍邛落日荒原古意遒歲暮易生羈旅感
亂鴉如墨灑城樓

漁歌

滄江淼淼寒烟昏漁子鳴榔江上喧自成村落長兒孫
把茅蓋屋席爲門漁孃椎髻圍青裙脚踏小艇如梭奔

鄰船三世爲婚姻漁租不欠他何論呼兒且沽老瓦盆
賣得白魚重三斤

兩絕句

銜得魚歸付釣師算來癡絕是鷓鴣閒鷗自在衝烟去
冷眼看人鬢上絲
一局纔終已爛柯古人十九寓言多世間尚有天台路
紅煞桃花不奈何

市橘盈筐命酒小酌三絕句

屋角團欒橘柚林彈丸一色鑄黃金劇憐指爪餘香在
酒是同年小妹斟

霜痕一翦窮籠寬壁取輕紅上口酸最憶洞庭三百顆

春燈時節鬪辛盤

斜陽晚市小淹畱風味衢州勝福州他日買園成小築
木奴須要種千頭

衢州

漫觸離愁到酒邊儘收風景入詩篇寒林橘柚三衢驛
夜月琵琶九姓船逆水計程添短緯鄉風沿路問長年
斧柯爛後棋初罷不學山中歷劫仙

阻灘易小舟達常山

石灘齒齒晴濺雪水碓隆隆夜轉雷破曉山城寒徹骨
又攜襆被換船來

憩屏風關

四山寒色擁肩輿漸覺殊鄉氣候殊赴壑脩蛇爭短景
識塗老馬讓前驅石田藝麥茸針瘦野店烹茶大葉麤
一飯草坪勞供張自慚行客費官厨

登南屏信江書院

七十二峯排闥青一杯相屬此虛亭城橫百雉當甌越
心逐孤鴻入窈冥石角鉤衣苔尚活梅花插帽酒初醒
烟霞影裏樓臺句合喚雙鬟唱與聽趙忠定柳梢青詞云水月光中烟霞影裏湧出樓臺題豐樂樓句也一杯亭忠定守信時所建今尚存故及之

己卯除夜信州作

坐對高齋燭影寒山城鼓角夜初闌疎狂作客時中酒
四十居貧剩挂冠餞歲忽驚花爛漫西園桃花有先放者郵書應

報竹平安幔亭不遠驚湖近準試新年蠟屐寬

是程堂二集卷第三

衢岑元季卯
月潛園開雅

仁和陸貞一仿宋書并董刊

是程堂二集卷第四目錄

西園歌柬霽青太守

四十初度述懷

鵲雛

霽青招同童益亭周瘦生令弟子未游龍潭還登
一杯亭得詩二首

南巖紀游五首

題畫竹三絕句

靈山歌呈霽青子未

春江花月行示子未

登瑯琊山還憩城西遠風亭晚眺四絕句

錢春日畱別澹齋子未

題小齋壁識別

歸舟雜述集杜十六首

草堂集杜四首

雨中過七里瀧

富春江上望雲中雙瀑

題石谷子畫

雨過偶題

接山太守丈屬題王蓬心樊口圖

嚴小農觀察招集臯園卽席分韻得水字同集者

朱鐵門潘壽生鄭瘦山許玉年孫雨生及令弟

小穀長君子通余子秉亦與

題丁南羽畫羅漢卷

今日一首示秉鈞彝

曉晴

漫題

宿理安寺贈香泉長老并柬笠人玉年

題黎簡民集

風篁嶺憶與石如小湖同游已廿餘年矣

題沈去矜先生手書詩卷後

漫題四絕句

夙疾向愈歡然命觴適何藜閣明府許玉年茂才

先後送菊至率爾成詠

菊下晚酌薄醉不勝

白巖山下晚歸

再過理安題松顛閣

屢宿山中贈唐叟

山中書感

寄懷頻伽曼生袁浦梅史皖江

喜慈仲至却贈

題沈西離明府載酒訪詩圖

秉兒還自魏塘丹叔枉贈一律中有見及之語春
間丹叔先有寄懷詩余亦未答甚愧故人眷眷

之意却報此詩并呈令兄頻翁

檢敝簾見庚午歲無錫華冠爲余寫真率題一律

聊當自贈

題王丈嶰谷畫稿後

重過拂塵庵

懷都下諸友人

述夢

游風水洞次坡公韻

登石龍山

山中歸復病詩以遣之

客有勸余謁選者憮然有感得詩八首

庚辰除夜二首

辛巳元旦

陶山臬使丈與同人賦消寒詩分寄二題余素不
工詠物勉作呈政并柬楊芸士止舍

池上落梅

秋白招同頻伽小湖積堂玉年小集湖舫酒間追
憶舊游已逾十稔而余與頻伽袁浦之別不相
見者亦六年于茲矣感喟作此詩不足云

雨中遣悶十六首

憶清平山後桃花

并序

憶耶溪

送嚴小農觀察入都卽題臯亭話別圖後
鄭瘦山孝廉以先人畫冊見示輒題二絕
答朱謙山見贈之作

春晚

送春日南卿用白樂天和微之四月一日韻見寄

同韻奉答

答二西陳丈

大雷雨

贈南卿

并序

是程堂二集卷第四目錄

是程堂二集卷第四

錢塘屠倬 孟昭

西園歌東霽青太守

吳興後堂好山水數月能畱沈麟士陳蕃獨設郡齋榻
我媿周璆徐孺子山城地暖草木蘇信州江山茲信美
西園拓地可百弓雨細莎平宜屐齒朝來拄頰手版閒
排闥青山圍隱几病夫不怕腰脚頑天馬南屏纔一里
山坳有亭巔有閣俯瞰高溪清且泚兼旬散髮不出門
自送烟嵐入城裏茲園締構近十年翠竹高梧雜桃李
風流甚覺前守賢謂王贊山觀察不廢絃歌成臥理眼中荒蕪
吁可惜花藥摧殘亭子圯卽今歲月幾廢興可有鳳鸞

長和堂二集四
栖棘枳使君今得黃穎川詩派涪翁健無比下車隔歲
威惠行略有餘閒把文史會看惡竹斬萬竿力挽澆風
振頽靡軒牕蕭灑百牘清坐嘯宏農可無此亟須不惜
捐俸錢疏決山泉清見底長廊百步籬四角添種雜花
朱白紫況當春風二三月流鶯踏枝蜂掇藥板輿迎養
及此時好舉壽觥親酌兕

四十初度述懷

浮生強半過中年出處曾無芥蒂牽懶整衣冠非玩世
厭聞絲竹罷張筵奇懷落落來杯底歸夢騰騰到枕邊
際遇承平甘伏匿名高未敢託歸田

不求廊廟不江湖初服依然返故吾略試鹽車成小困

早收棋局未全輸胸中五嶽空蒼翠海上三山定有無
博得身閒聊作達旁人錯擬列仙儒

鵲雛

西園多喬木鵲巢久所安一雛雨中墮毛羽濕不乾羣
兒得之喜把弄雛叫謹我憫鵲雛困勸置庭宇寬庭有
兩桃樹高纔及短垣雛喜奮而躍載躍復載顛我旣縱
之去欲助無羽翰一笑姑置之聊飼粒米餐俄聞噪聲
異雌雄集簷端兩鵲互下上鳴聲悲且酸引喙啄屋瓦
似向人乞憐嘴破血漉漉摧絕心與肝更有五鵲鵲奮
迅于鵲間營救不自量相從聚而喧人孰不有子顧之
心曲煩呼僮代鵲計返之于西園緣梯不及巢極高乃

縱焉鵲母見雛返伺之他樹間他樹去巢近枝幹相鉤
連逡巡下引雛似越陌與阡雛隨鵲母去刷羽聲喜歡
鵲去復來賀鵲巢卵完我還坐書齋感此成永歎返
哺愧烏私急難思鵲原凡物具至性豈獨人不然雛時
覆翼恩辛苦力爲殫及其毛羽成捨去不復還我念父
母慈我悲兒女頑五十孰孺慕愧勵成此篇

霽青招同童益亭周瘦生令弟子未游龍潭還登

一杯亭得詩二首

出郭近十里遨頭宜午晴意中芳草綠身外短筇輕嬾
已成中散游方倦長卿春光紛刺眼興劇且飛觥

阻石灘喧碓浮橋艇截江

信江濶四十餘丈架木于艇而絙以鐵索上施朱闌爲浮

橋蓋南北
孔道也

碧山攢午午白鳥去雙雙窈窕雲埋磴蕭疎
柳映窗夜來新雨足春水漫魚缸

南巖紀游五首

山多不暇游負此十日晴偶把圖經讀遂果南岩行外
瞻了無奇仰止心忽驚崩雲削千尺壁立如堅城由來
烟霞窟亦因人重輕況邀大賢賞益增蘿薜榮虛中閔
深窵肆外張恢宏想見晏坐時道氣干崢嶸

朱子嘗讀
書于此今

建祠
焉

僧房數十楹蟄處類窟室上無椽瓦施周列間架密飛
檐闢屢屢虛牖敞蕭瑟不愁雨雪侵依然漏風日苔痕
剝古斑石骨礪頑質摩厓以百數捫讀苦難畢裂罅泉

涓涓濺袂珠瑟瑟誰懸刻漏壺細破針孔出

半厓有一滴泉大旱

不流連憺忘歸毛髮森以慄相期逃暑來茗椀攜六月

栽栽五級峯重隙爲五層間之以竹樹一層一級青巖
高與峯等峯展如列屏半日巖下坐可仰不可登白雲
挂巖前倒垂簾額平風吹石泉凍化作千年冰

居山象覆鐘獨立絕攀附言尋接巖幽徑越居山度棧
懸一綫微崖束千丈仆踏雲如踏空見石不見路輿丁

鬪猱捷快意得窘步失笑同游客足繭不暇顧

子未至險窄處

輒步粧臺九仙巖粲若棋局布俯視兩山交塔影出深

樹

土垣簇蜂窠偪窄如斗大

接巖所見如此

前後擁佛龕不要把

茅蓋嵌空漏孤光
扶竇發幽籟
學子此橫經
朴陋亦可愛
中逢百歲僧
一老僧年九十九矣
履決衲衣壞
繩牀坐穿破
四大翻覺隘
微參西來意
故在文字外
無言坐松風
饒舌我須戒

題畫竹三絕句

風梢離披雨葉亂
濕墨淋漓渴筆乾
自家竹派自家賞
要作無絃琴意看

西園竹瘦病葉黃
昨日移栽低埽牆
畫取幾竿渾不似
閒鋪東絹候斜陽

迎風作笑影疎疎
得似梅花老衲無
學寫草書分个字
早拚襟袖墨痕麤

靈山歌呈霽青子未

郡樓四面圍烟嵐日日坐對青窺檐靈山作鎮勢尊嚴
名列福地三十三病榻枯坐繭縛蠶咫尺不到中懷慚
爲君約略陳其凡聽我抵掌君掀髯石屏匝匝排松杉
石樓豁間通衍豁方丈爲室圓爲龕天梯百級鬼斧斲
巋然中臺與天攬霄崢上輒撐穹嵒東臺西臺左右參
赤瑕駁犖蒼而黔白雲一片空中嵌草堂只在峯之南
胡昭伯學道處舊有草堂在白雲峯南至今人傳養真巖閔跡未許凡庸
覘龍湫澄泓萬古涵奔流下注千尺潭水晶光奪初陽
暹水晶峯以瀑布得名不數匡廬之谷簾就中酷肖人物兼瓌奇
瑰麗不可覃如人獨立衆具瞻或若聚講紛詁誦齊眉

靜者心多妙吾知拙養尊鶯花隨世界爛漫倒芳樽
獨坐親雄劒新詩近玉琴誰能更拘束不覺自長吟坦
腹江亭臥喜聞樵牧音郊扉存晚計隱几亦無心
力疾坐清曉鳥窺新卷簾安排用莊叟不得慢陶潛花
密藏難見杯乾自可添絕知春意好江草自纖纖
青冥却垂翅把酒意茫然勲業頻看鏡喧爭懶着鞭方
期拾瑤草無計劓龍泉感激時將晚歸來始自憐
衰謝多扶病新梳白髮微遠慚句漏令永息漢陰機藥
餌虛狼藉榮華有是非天涯故人少重肯欸柴扉
牢落西江外慈顏望遠遊岸花飛送客風幔不依樓患
氣經時久長貧任婦愁熟知江路近鳴櫓已沙頭

黃霸鎮每靜傳聲典信州看君妙爲政遣騎覓扁舟議

論有餘地園林非昔游

謂下榻西園

幾時杯重把心折此淹

畱

寄別霽青

彈琴視天壤春遠獨柴荆弟子貧原憲諸公厭襴衡清

談見滋味短髮媿簪纓爲問南溪竹還尋北郭生

懷叔淵解

元慈仲孝廉

尚憶同志樂開懷無媿詞昔曾如意舞少有外人知遠

客驚深眷呼兒檢贈詩

時命兒子秉編錄二十年來諸師友投贈倡和詩將成

青

山各在眼空負鹿門期

失學從兒懶家貧苦宦卑理生那免俗遣興莫過詩詩

是吾家事心從弱歲疲鏡中衰謝色余病汝知之

懷子秉

去遠畱詩別風帆數驛亭心微傍魚鳥客思迴林垌野

樹侵江濶高山擁縣青客身逢故舊醉舞爲誰醒昨泊蘭溪

盧秋槎侍御王雲濤明府過談舟中竟夕

釣瀨客星懸登臨意惘然無才逐仙隱忝意向江天野

老來看客春鷗懶避船何時一樽酒送老白雲邊登釣臺

客星空伴使黃綺未稱臣宅入先賢傳山歸萬古春桂

帆遠色外回首大江濱戲問垂綸客丹墀有故人謁嚴先生

祠

湍駛風醒酒鉤簾獨未眠雲溪花淡淡石瀨月娟娟野

膳隨行帳輕舟送別筵江清歌扇底夜久燭花偏

草堂集杜四首

柴門了無事幽樹晚多花朝夕高堂念飛騰暮景斜牛
羊識童僕車馬入鄰家問俗營寒事山林迹未賒
用意崎嶇外文章敢自誣長歌敲柳癭隨意數花鬚身
世雙蓬鬢乾坤一腐儒計疎疑翰墨心息酒爲徒
洗眼看輕薄愁多任酒醺縛柴門窄窄坐客醉紛紛落
日邀雙鳥空山有斷雲畏人成小築水竹會平分
身外滿牀書禪龕只晏如天機近人事鄉黨羨吾廬徑
石深縈帶村花不埽除草堂尊酒在歲晚莫情疎

雨中過七里瀧

細雨輕帆掠釣磯橫江撒網白魚肥松顛雪瀑蜿蜒挂
天外雲山破碎飛鷗侶故應迎熟客酒痕重又上征衣

去冬曾坐此舟年來自覺風懷減只拓篷窗看翠微

富春江上望雲中雙瀑

雲氣濃遮半截松松顛忽透兩三峯瀑流更在松雲上天半飛來雙白龍

題石谷子畫

平林脫葉乾不飛蒼苔滑達山徑微依巖破屋不掩戶白木繩牀坐聽雨雨聲定自江上來苦竹叢深綠屋栽雲沈樹黑水天遠日暮風高鴻雁哀西牕挂起晚烟白雨過猶聞竹梢滴沙邊艇子八尺橫此地能來非俗客

雨過偶題

雨聲集瓦如箭鏃雲低壓檐檐注瀑歸來半月不出門

便不著書聊仰屋中庭積潦一尺深繞檻新篁三面綠
平池吠蛤喧鼓吹敗壁蝸涎篆符籙病懷苦惡身却閒
偶訂方書手親錄親朋小別見輒驚自覺鬢毛今歲禿
微茫心力撙我生賸欲乞靈凡草木達觀久已齊彭殤
日食一盂粗糲足正愁結習未盡除時一吟哦披卷軸
妻孥見怪僮僕嗤無事狂書動盈幅

接山太守丈屬題王蓬心樊口圖

峻坂蒼煙尺幅中兩崖深鎖大江通風流公子清狂守
想見登臨一笑同

蓬心爲永州太守接山時隨侍尊甫中丞公巡撫湖北爲作此圖

樊山山下樊水流當年鷗鷺識清遊一望滄波千里月
鷗鵠聲落四山秋

坡公往事成遷謫漫叟高居亦醉閒

漫叟家于樊上
醉則閒見次山文

集不及君家是全盛風光占斷武昌山

歸裝鄭重屬畱題數十年成一段奇請對畫圖開廣晏

爲君高詠謝公詩

樊山開廣晏謝公
贈伏武昌詩也

嚴小農觀察招集臯園卽席分韻得水字同集者

朱鐵門潘壽生鄭瘦山許玉年孫雨生及令弟

小穀長君子通余子

乘亦與

久病常杜門獨隱南郭几夢破踏蔬羊霍然勿藥喜游
同魚逐隊來似鶴將子曲徑轉叢篁疏籬通六枳花間
百尺樓城曲三分水靜聞木犀香無隱達禪理主人風
雅宗宦蹟尚奇偉暫脫簪組間肯負泉石美開樽昨召

客亭館雨中啟拍浮持蟹螯欣賞列圖史郎君雙玉立

翩若棲萼華昨讀一卷詩光怪驚滿紙三君吳江彥若

龍腹頭尾

朱潘鄭皆吳江人

朱老久不見白髮已如此微吟黃

雪下水檻同倚徙旗鼓整騷壇偏師敢摩壘臯園屬君

家不自今日始滄浪舊書屋應入詩話裏

董浦先生有過故侍郎嚴

公臯園詩蓋先屬顯亭少農也

相公近歸洛無地樓臺起別墅聊賭棊

漫作爭墩擬

明年君服闋出山將以此園讓歸桐門相國爲養病之所

他時獨樂園

今日履道里一片東山雲分作霖雨被只我方投閒來

遊應倒屣主客兩忘機海鷗吾竊比

題丁南羽畫羅漢卷

閒居學逃禪趺坐白石矸離垢十笏寬臨風一巾岸客

來示長卷裝潢古錦段觸鼻聞旃檀欲展先拭盥華言
煩惱破梵云阿羅漢非佛亦非祖一一鈍根斷具諸種
種相神通出戲玩巾瓶各清芬瓔珞互輝煥非惟殊笑
嗔亦復異瘠胖揮擢招鳳鸞調習伏獅豸筆法本樸李
神妙欲到貫約畧計其數五百居太半魏說信有徵要
以雁宕斷此卷或疑不全魏春松丈跋云按佛書昔諾
俱羅與其徒八百衆居震旦國五百居天台
三百居雁宕是南羽所畫正雁宕之三百人必規規于
宋江陰軍乾明院之五百名號亦契舟求劍之論其說
允甚歲月去堂堂又見木葉換名心消結習塵事脫羈絆
讀畫悟禪理清齋屏魚蒜

今日一首示秉鈞彝

三年困沈疴百事廢莫治朝夕一几案榻穿坐不移客

來謝將迎酬答無片詞事過輒已忘但覺心氣虧眼昏
罷看書興到時一披詞義有通窒不能更然疑吾生僅
中年四十平頭齊早衰遂若此何事復可爲兒情不好
學不黠乃近癡生計日迫盛門戶誰與持憂心悄如焚
勉強進一卮且放今日過後日安可知

曉晴

曉來晴有意風信敝裘知昨念秋霖重愁看晚稻遲茶
聲喧蚓竅簾影補蟲絲坐久猶檐滴蒼苔滿徑滋

漫題

紙窗終日閉枯坐愛南榮艱苦貧來試身家病後輕文
章賤芻狗世事感楸枰所惜筋骸脆空教慕力耕

宿理安寺贈香泉長老并柬笠人玉年

結夏名藍願屢違今宵襪被竟忘歸白雲幾片魚鱗碎

黃葉成堆鴨脚肥半壁畫松高閣偃觀玉年松巔一襟閣壁上畫松

空翠四山飛勝情自覺年時減慚愧青鞋到此稀夏秋以來

笠人玉年及長老先後見招病不能赴

題黎簡民集

海天花月入窮愁萬象微茫一字搜竝世幾人容濶步平生此老合低頭

風篁嶺憶與石如小湖同游已廿餘年矣

細雨吟襟綠疎林病葉黃四山開玉茗一徑入風篁陡落溪聲緩飛空石氣蒼舊游成間濶能否共清狂

題沈去矜先生手書詩卷後

異代烽烟警遺民草澤多生逢擊壤樂怕讀采薇歌廢
壘栖燐火空山弔女蘿餘生亦何幸詩卷未應磨

想見流離日孤吟強自寬窮愁餘白髮故舊幾黃冠淚

灑花枝暗心驚鶴唳寒雍門遺響在不敢向人彈此卷為先

生避亂舟中書自跋云庚寅四月二十三日四鼓過寒山曉月映塔流屍觸船披衣起視悲愴欲絕天明因錄

本年所作五言律四十四首聊以當哭餘體不備書云按先生名謙仁和人工詩古文所著有東江集毛馳黃

序之世稱南樓十子者先生其一也明社初屋東南草竊未平板蕩匪風詩境可想正集世不多見此卷詩格

近少陵讀此可以概先生之詩矣

漫題四絕句

釀秋天氣愛斜陽過午微暄早晚涼籬角蒼藤朱顥小

商量色澤要微霜

塵襟豁盡似逃禪
白木繩牀稱小眠
詞客酒人都冷落
持螯閒過菊花天

堆案相仍只藥方
杜門不出是尋常
故人京雒音書斷
惆悵霜天雁幾行

晚來疎雨點苔斑
小朵雲峰擁髻鬟
一堵荔牆窗外逼
臥聽落葉似深山

夙疾向愈歡然命觴
適何藜閣明府許玉
年茂才先後送菊至
率爾成詠

髮短因秋脫身閒得
病償提壺中聖酒閑
閣小宗香謝客翻嫌
久加餐未許忙送花
人冒雨風物愧柴桑

菊下晚酌薄醉不勝

宿雨秋陰重明燈菊影寒甘分菱角小饒憶蟹臍團

病後

已三年不食蟹矣

漫詠畱殘墨孤斟甚舊歡僮奴應竊笑未醉

已蹒跚

白巖山下晚歸

剩灑孤兒淚年年此故山苦心淹歲月扶病強躋攀天迴浮雲白霜濃落葉殷空懷廬墓意惆悵不能還

再過理安題松顛閣

觀化先齊物逃禪喜近僧名山幾量屐勝具一枝藤香遠通茶崦

山前後皆茗花

譚深借佛燈空庭黃葉埽傑閣記重

登

屢宿山中贈唐叟

古屋長畱江上村，農桑租稅宋元存。叟自言先世居此課兒自整殘書帙，餉客行沽老瓦盆。曲抱迴溪安水碓，青排疊嶂護柴門。歸遲不厭頻畱宿，白木匡牀絮被溫。

山中書感

負土情殷近五年，芒鞋寬繫入山便。不勝腰腳緣多病，未了功名且信天。家祭薄田聊幾畝，褒封片石已重泉。焚黃只益餘生痛，衰鬢頻搔倍惘然。

寄懷頻伽曼生袁浦梅史皖江

眼前出處總關愁，鬢影驚看歲月遒。老覺故人尤可念，病容高枕且無憂。浮雲幻態憐蒼狗，舊雨前盟讓白鷗。

淮水皖江俱信杳風波應不礙虛舟

喜慈仲至却贈

捐軀相逢各自傷途窮何處着清狂勞生宦海兼人海
悵望錢塘與魏塘別又兩年如昨日近雖百里總他鄉
君贅於魏塘郭氏關心漸覺兒曹長也解樽前屬和忙子秉與慈仲倡酬有詩

題沈西雖明府載酒訪詩圖

公田秫釀陶彭澤祕篋詩珍元次山時聞君方輯詩話落落宦

情千里共蕭蕭吟鬢一身閒人逢鷗鷺倘佯外意在雲
龍追逐間如此秋光如此客烟波一櫂肯虛還

秉兒還自魏塘丹叔枉贈一律中有見及之語春

間丹叔先有寄懷詩余亦未答甚愧故人眷眷之意却報此詩并呈令兄頻翁

生涯冷落笑寒魚善病維摩正索居篇什傳來能慰藉
交情老去怕生疎翦淞閣定何年築聽雨床憐匝歲虛
頻伽久客淮
上近始旋里
過訪今慈仲來而
丹叔仍不果至風雪閉門殘臘近烟波悵望棹音拏丹叔
屢約

檢敝簾見庚午歲無錫華冠爲余寫真率題一律

聊當自贈

偃蹇支離態峯寄厓落人無心拾科第不意老風塵薄
伎終身累虛懷一味真西風感搖落愁對菊花新

題王文嶰谷畫稿後

筆有金剛杵人珍玉畫義胸中具邱壑意外足雲沙愛
惜三分墨沈吟幾椀茶虎兒親手跋應不愧傳家

謂令子應綬

重過拂塵庵

蘚徑依門改禪龕剩佛畱殘僧無舊識獨客感重游劫
壤前朝樹

聞前歲宋模爲風雨所拔山門及石墜數十級皆壓毀今改築矣

烹增短鬢

秋低徊廿年事江水自東流

懷都下諸友人

冰柱嵯峨凍折絲玉山寒聳苦吟肩情深風雨懷人夜
夢醒江湖落魄年濶略無傷車笠雅纏絲也算葛藤牽
飄零一墮雲霄翻回首鵷行總惘然

述夢

夢痕飄瞥墮烟霄神馬尻車意尚搖殘月一鞭風浩浩
落花千里鬢蕭蕭年時久忘書驢券得失難尋覆鹿蕉
終念打包行脚便故人幾輩正乘輶

游風水洞次坡公韻

輕舉何時骨換凡凌虛一徑入松杉苔痕半蝕摩崖字
洞口雙懸積翠巖戛竹微風空水答翻江落照亂峰銜
身逢聖代寬文禁便和公詩不畏讒

坡公二詩俱入烏臺詩案

登石龍山

石龍牙鬚不可拔頑仙倒騎龍脊滑天風震盪龍欲飛
掉尾忽驚鱗角脫山行龍行住龍住作勢騰空幾回顧
我來赤足踏風雷自詫全身裹雲霧白巖積氣何魂魂

蜿蜒一脈西南奔何辜獨受天帝罰左耳割盡無剗痕
石龍山由白岩右幹落脉怪石攢矗無寸土村人鑿以燒灰隨鑿隨長 奇峰束筍高下徧
百里分明掌中見雲橫越嶠列蒼屏江繞富春拖匹練
歸來獨御風泠泠雲氣尚染衣裳腥手中藤杖擲空下
要看葛陂龍變化

山中歸復病詩以遣之

堅臥空山學定僧病魔依舊苦侵凌自看草木忘情久
人笑烟霞痼疾增默數寒宵更點點漸空諸妄睡騰騰
痛來攝念無雙覺也算伽婆道力能楞嚴經畢陵伽婆蹉因疼痛得道
客有勸余謁選者憮然有惑得詩八首

年來毀譽兩相忘身外窮通得半償未副循良先蹈拙

偶矜氣節誤稱狂終貽處士虛聲愧果否斯民直道彰
風雨橫江舟一葉篙師指點劇蒼茫

寒宵病榻太淒清短髮新添白幾莖小事糊塗詩作祟
中年甘苦宦無情含沙射影難尋迹畫餅充飢浪得名
回首風塵增百感羸輸終古一楸枰

門戶由來有異同坦懷不信入牢籠囂囂一意孤行日
落落羣疑衆謫中語涉背時終易悔事求稱職敢論功
感深知已傷今昔尚覺心期負數公

燭影幢幢夜漏沈文君那賦白頭吟雪泥鴻爪疎狂跡
風雨雞鳴故舊心小草自慚非遠志枯桐能遇幾知音
喜無一紙馳京洛贏得棲遲歲月深

子舍承歡喜懼兼安思蔗境晚來甜諱貧已被慈親覺

開閣仍疑夙疾添

一妾干前歲遣去

剩遣吟情惟筆墨愁分心

力到齏鹽平生意氣渾銷歇手撥爐灰獨下簾

早歲心期付汗漫略陳清況有餘歡客來賭酒通宵飲

興到尋花恣意看自許一身真鹵莽直須四海共飢寒

而今却把田園斥

越中田已斥賣

轉覺依違進退難

柴門晝掩薜蘿深策杖惟餘老衲尋世外交游無淺語

眼前溫飽豈初心敢辭入社邀彭澤大好忘機學漢陰

況值

昌期麀鳳見退飛倦鳥合投林

潛園幾載養疴宜此後生涯轉自疑貧到求官成下策

病思不藥倘中醫生機滿眼饒花竹野性終身似鹿麋

畢竟推移還任運陶然一醉卽皇羲

庚辰除夜二首

門闌清曠絕翳塵絳蠟先回隔歲春此日能閒須是福
他人相較未爲貧兒童取次簪花勝長幼爭先遞酒巡
身是盛年逢盛世敢忘一飯念

君親

索逋人散戶先扃爛醉休教此夕醒病過殘年應勿藥
家惟八口算添丁

今秋得一孫女自
老母以下剛八人

從來志不求溫飽

近日詩方見性靈饒歲底須誇節物玉梅花好插銅瓶

辛巳元旦

元年元日此元正果見黃河一笑清樂土東南逢樂歲

春朝風雪轉春晴

二日立春

側身草野聞新政畢志田園荷

太平言語先徵長疾已眉間黃氣曉來明

陶山臬使丈與同人賦消寒詩分寄二題余素不

工詠物勉作呈政并柬楊芸士上舍

林塘日瘦弄寒姿鴉舅霜濃冷艷遲畫苑幾人工小筆

舊見宋人紅樹秋英圖寫寒菊一叢烏柏一株作雙鉤夾葉以丹砂填染極明艷

御溝何處覓

殘詩飄零楓葉全疎候錯認梅花半綻時一翦西風如

雨落采桑梯傍最高枝

吾鄉柏子熟時皆上桑梯擷取右寒柏

紇干山下凍堪憐鴻鵠高飛祗惘然門可張羅誰賀厦

盤虛雋味想披綿瓦溝霜重營巢日庭樹風高噪雪天

休怪野田殘粒少太倉曾愧竊多年

右寒雀

池上落梅

春風暖如酒未醉先上面頗思著青鞋一振筋力倦朝
來步池上唳鳥踏枝喚疎疎兩鬢風吹落花幾片掉頭
忽驚顧繁英墜如霰旬日無好懷花發如未見我方學
枯禪此花如淑媛相忘寂寞中顏色羞自炫春光駐難
久晴雨不時變逡巡一病餘零落已過半人生那無情
因感復生戀終須繞百匝吟賞閉門便

秋白招同頻伽小湖積堂玉年小集湖舫酒間追
憶舊游已逾十稔而余與頻伽袁浦之別不相
見者亦六年于茲矣感喟作此詩不足云

相逢不易況清游肯負湖山十日畱未免驚心添白髮

居然落手尚扁舟天涯望遠兼傷逝

時談及白雲先生
曼生梅史三君近

況甚劣而彭甘亭前
月謝世不勝感痛云

老去逢春似感秋名動江關詞賦

重酒痕偏只認杭州

雨中遣悶十六首

雨勢垂檐瀉急湍江風加倍作春寒
屋山忽抹炊烟斷一紙襄陽畫意殘

柴門委巷斷高車病後知交大半疎
正乏好懷偏止酒略遮倦眼旋拋書

先期商略到秋花小墢泥融綠吐芽
只有病樗人不管可憐生意動枯槎

花明柳暗詩中畫水遠山平靜者機臯
亭畫舫秦亭騎

如此春光獨掩扉

扁舟昨共故人醉此樂年來嗟久無一日出門旬日臥
倦游那厭江湖

春陰盎盎萬花冥昨夢忽登江上亭白鳥一雙明似雪
雨中點破四山青

鶯兒黃蘸水楊柳鶴頭丹染山茶花兩家春色不嫌借
只隔一層籬落遮

自看未老已頽然剩有豪情話酒邊歌扇舞塵前十載
鬢絲禪榻此中年

風味疎寮淡似僧太常齋禁比年仍頗疑目力耽書耗
未晚呼僮早上燈

馮敬通婦古來有劉景升兒世上多塊獨一身愁不慣
花前扶病且高歌

右軍誓墓意何如雪涕斜陽恨不無白岩山下松楸短
一片傷心只綠蕪

終老田園須作計故鄉風物尚堪誇老龍井採頭綱茗
新馬塍移論擔花

求田問舍癡無益對酒當歌樂未妨嘯傲萬金隨手盡
清貧依舊足清狂

其身與德兩支離百不關心懶亦奇偶爾揮毫惟乞米
有時折柬只延醫

不嫌夢惡桺生肘拊髀正愁成半人或者天全不材木

故應斤斧赦輪囷

世事年來大段諳羞從捫蝨侈空談此身休笑東高閣
自笑真成七不堪

憶清平山後桃花

并序

自清平山後麓循橐駝嶺而上爲雲居山城影
跨巔奇石踞路江湖兩面此扼其中漁舫往來
俯若可拾居人五六家藝蔬種花高下相望山
桃爛漫遍籬落間登眺所及里許而近往歲山
居清暇間日必往遊焉而未嘗有詩比還里門
又苦塵累不睹斯景逾十五年矣病況清寂不
以死生爲念何況室家與功名哉所不能忘者

舊游清奧之區遂爲陳迹坡翁云清景一失如
亡逋信然追賦此什不無神往云

屐齒登登帽影斜江天雨後絢晴霞飽餐香積貓頭笋
看遍山中餅子花石氣濃青堆雉堞潮痕飛白捲鷗沙
荔牆茅屋應無恙回首空懷歲月賒

憶耶溪

花上晴絲草際烟風光爭媚冶春天夕陽桑柘橫梯短
漫水魚鰕撒網圓溪漲未消前夜雨竹多先迸過牆鞭
結茅久擬耶溪住何日還歸二頃田

送嚴小農觀察入都卽題臯亭話別圖後

卅里烟波萬樹紅扁舟悵未一樽同

前日臯亭之餞浣
僕以病未與

花誰是杜陵老建節行看嚴鄭公此日頭銜誇繡多半
生豪氣吐長虹離情說與閒鷗鷺總在滄浪水竹中

鄭瘦山孝廉以先人畫冊見示輒題二絕

落木秋來如墜雨遠山瘦盡只寒烟畫師不少誰三絕
此事終須屬鄭虔

松毛亭子枕寒溪兩兩山禽竹外啼如此林泉不歸隱
更從何處覓幽棲

答朱謙山見贈之作

病榻餘高枕殘春入苦吟衰顏驚別久短札驗情深落
落風騷意茫茫著作林千秋定誰是慚愧託知音

春晚

春晚園林尚耐尋，曲欄雨過綠成陰。
刪除世故交情見，解讀醫書病候深。
閉戶動經三兩月，遣愁聊借短長吟。
鳥啼花落渾閒事，驗取年時學道心。

送春日南卿用白樂天和微之四月一日韻見寄
同韻奉答

東風適然來，着物無厚薄。
韶光適然去，人情異哀樂。
子規語黃鸝，相對愁漠漠。
無言枝上花，自開還自落。
早年興飛騰，垂老懷抱惡。
強欲駐春顏，還丹無大藥。
君方困泥蟠，我且束高閣。
那不惜景光，枯腸共搜索。

答二西陳丈

久疎牀下拜，龐公忽枉詩。
篇遞短，僮古調獨彈。
游水外。

閉門深坐落花中閒居觀化春愁淺白首長貧道氣沖
出岫雲遲勞問訊年來擬學信天翁

丈來詩以俚服闋居貧不卽出山爲念

大雷雨

一春不雨雨連宵新竹森森綠過橋繞屋風雷驚破柱
拍池波浪欲通潮莓苔近榻延緣上蛙黽逢人意氣驕
寒到披裘暄袒臂病中時節最難調

贈南卿

并序

養疴杜門致乏歡趣夙昔雅故亦漸不相聞南
卿時時肯一見過能道肺腑又不責以禮數感
而贈詩兼自謂能知南卿近莫余若豈不以南
卿同余寡歡故耶

崔羅門巷無客來旬日爲君始一開不迎不送君弗怪
或泣或歌人屢猜書堂偈仄聊隱几坐窗不邀病如此
終朝養氣成木雞徹夜耳鳴喧鬪蟻縱橫圖史塞屋廬
麻茶倦眼雙翳如患頭風久幾壞兒曹頑鈍不好事局鑰不
開供蠹魚豈惟百事成坐廢獨居三年不入內向來嗜
酒如嗜書近日壺觴祇空對道光

天子堯舜君闢門籲俊

求治勤千載一時不可遇感激自奮終無因我今病廢
不足惜君亦途窮悲伏櫪昌黎游戲驅五窮長卿倦游
徒四壁相看眉操各自愁相逢嘆喏談不休夔蛇彼此
漫憐惜蛩駘出入還相求頭顱四十足悲詫白眼逢人

笑談詐緇衣雖好孰改爲勵堂尚書賓谷中丞屢作薦士書敝帚自珍
人笑罵毒淫酷暑愁中人落落故交誰見親藥爐經卷
鎮寂莫旦夕幸君能過存

是程堂二集卷第四

衢岑元季卯
月潛園開雕

仁和陸貞一仿宋書并董刊